

KENYATAAN MEDIA



KEMENTERIAN PERDAGANGAN DALAM NEGERI DAN HAL EHWAL PENGGUNA
No. 13 Persiaran Perdana, Presint 2,
62623 Putrajaya

No. Telefon : 03-8882 5562

No. Fax : 03-8882 5569

PROGRAM WALKABOUT YB TIMBALAN MENTERI KPDNHEP DI PASAR KOMUNITI STUTONG, KUCHING

KUCHING, 21 Januari 2022 – Hari ini sempena lawatan rasmi pertama ke negeri Sarawak, saya telah meluangkan masa meninjau pelaksanaan dan pematuhan Skim Harga Maksimum Keluarga Malaysia (SHMKM) yang telah dimulakan sejak 7 Disember 2021 lalu dan sedang berkuatkuasa sehingga 4 Februari 2022 bagi 12 jenis barangan asas kegunaan rakyat Malaysia.

2. Berdasarkan tinjauan hari ini, saya sangat berpuas hati dengan peniaga-peniaga di pasar ini yang mematuhi SHMKM samada dari sudut penandaan harga berwarna merah jambu dan harga 12 barang terkawal. Rata-rata harga yang ditawarkan samada menepati atau lebih rendah dari harga yang telah ditetapkan dalam SHMKM. Saya juga sangat berpuashati bahawa bekalan barangan adalah mencukupi selain harga barang di pasaran secara keseluruhannya adalah stabil.

3. Barang-barang harga terkawal yang terlibat dengan SHMKM adalah seperti berikut :

- (1) Ayam hidup
- (2) Ayam standard (disembelih dan dibersihkan berserta kaki, kepala, hati dan hempedal atau mana-mana bahagiannya)

- (3) Ayam super (disembelih dan dibersihkan tanpa kaki, kepala, hati dan hempedal)
- (4) Telur ayam gred A (berat antara 65.0 gram hingga 69.9 gram sebiji)
- (5) Telur ayam gred B (berat antara 60.0 gram hingga 64.9 gram sebiji)
- (6) Telur ayam gred C (berat antara 55.0 gram hingga 59.9 gram sebiji)
- (7) Kacang Panjang
- (8) Cili merah
- (9) Tomato
- (10) Sawi
- (11) Kobis Bulat Import (Indonesia dan China tidak termasuk Beijing)
- (12) Timun

4. SHMKM ini dilanjutkan sehingga 4 Februari 2022 adalah berdasarkan maklumbalas dari komuniti pengguna yang meminta **intervensi Kerajaan terhadap barang keperluan asas yang sering digunakan oleh keseluruhan rakyat** dalam situasi sukar sekarang di mana harga barang dan inflasi telah meningkat di seluruh dunia termasuk Malaysia. Sementara itu, SHMKM yang dilaksanakan ini turut membantu rakyat menangani kos sara hidup.

5. KPDNHEP sentiasa menilai situasi pasaran dan juga maklumbalas

daripada para peniaga untuk memastikan keseimbangan di antara kepentingan pengguna dan peniaga termasuk pengeluar, pembekal, pengedar dan pemborong. Atas dasar tersebut SHMKM bukanlah bersifat kekal tetapi disesuaikan mengikut keperluan.

6. Anggota Penguat Kuasa dan Pegawai Pemantau Harga KPDNHEP akan melakukan pemantauan setiap hari di seluruh negara melibatkan pemeriksaan di lokasi-lokasi yang menjadi tumpuan orang ramai seperti pasar awam, pasar tani dan pasaraya serta peniaga-peniaga di peringkat rantai borong. Kerajaan akan menilai semula kedudukan harga barang dan inflasi berdasarkan input dari Jabatan Statistik Malaysia (DOSM), Kementerian Pertanian dan Industri Makanan (MAFI) dan Kementerian Kewangan sebelum keputusan berkenaan SHMKM dibuat seterusnya.

7. Orang ramai dan peniaga boleh merujuk di portal rasmi Kementerian iaitu **www.kpdnhep.gov.my** untuk senarai daftar barangan dan harga yang terlibat dalam SHMKM ini.

8. Orang ramai yang mempunyai maklumat berkenaan salah laku mana-mana pihak berhubung bekalan dan harga barangan boleh melaporkan kepada pihak KPDNHEP melalui saluran aduan berikut:

- i. Whatsapp 019-279 4317
- ii. Portal e-aduan KPDNHEP; eaduan.kpdnhrp.gpv.my
- iii. Call Centre 1-800-886-800
- iv. Emel e-aduan@kpdnhep.gov.my
- v. Aplikasi EzADU KPDNHEP

YB Dato' Rosol bin Wahid
Timbalan Menteri Perdagangan Dalam Negeri dan Hal Ehwal
Pengguna
Kuching, 21 Januari 2022

#####